



অবি লম্বে প্রকাশে র উদ্দে শ্যে: 9/22/2021

গভর্নর ক্যাথি হোচুল

গভর্নর হোচুল নিউ ইয়র্কের কলেজের শিক্ষার্থীদের এবং পৌরসভাগুলিকে ক্যাম্পাস ফায়ার সেফটি সম্পর্কে নিজেদের শিক্ষিত করার জন্য উৎসাহিত করেন

গভর্নর সেপ্টেম্বরকে "ক্যাম্পাস ফায়ার সেফটি মাস" হিসেবে স্বীকৃতি দিয়ে শরতের সেমিস্টারের প্রথম দিকে অগ্নি নিরাপত্তা এবং প্রতিরোধের দিকে মনোনিবেশ করেন

অগ্নি সনাক্তকরণ এবং দমন ব্যবস্থা স্থাপন করা প্রাথমিক সতর্কতা প্রদান এবং জীবন বাঁচানোর ক্ষেত্রে গুরুত্বপূর্ণ

গভর্নর ক্যাথি হোচুল আজ সেপ্টেম্বরকে "ক্যাম্পাস ফায়ার সেফটি মাস" হিসেবে ঘোষণা করে একটি ঘোষণা জারি করেছেন, যার লক্ষ্য নিউ ইয়র্ক রাজ্য জুড়ে ক্যাম্পাস-সম্পর্কিত আবাসনের আগুনের বিপদ সম্পর্কে জনসাধারণকে শিক্ষিত করা। গত দুই সপ্তাহ ধরে রাজ্যের অনেক কলেজ এবং বিশ্ববিদ্যালয় ক্লাস শুরু করায়, গভর্নর হোচুল নিউ ইয়র্কবাসীদের - বিশেষ করে ছাত্র এবং ভাড়াটেদের - তাদের আশেপাশের খোঁজ নিতে এবং অগ্নি নিরাপত্তার ব্যবস্থার ক্ষেত্রে তাদের বাসস্থানের মূল্যায়ন করার আহ্বান জানান।

"এখন যেহেতু নিউ ইয়র্কের কলেজের শিক্ষার্থীরা নিজেদের পারিপার্শ্বিকের সাথে মানিয়ে নিয়েছেন, আমি তাদের উৎসাহিত করি শীতের মাসগুলোর আগে সময় বার করতে যাতে তারা আগুন থেকে সুরক্ষিত পরিবেশে বসবাস করছেন তা নিশ্চিত করেন, তারা ক্যাম্পাসে বা ক্যাম্পাসের বাইরের অবসনে থাকুন না কেন," **গভর্নর হোচুল বলেন।** "নিজেকে এবং আপনার রুমমেটকে অগ্নি নিরাপত্তা সম্পর্কে শিক্ষিত করার জন্য কয়েকটি ছোট পদক্ষেপ নেওয়া জীবন-মৃত্যুর পরিস্থিতিতে এক বিশাল পার্থক্য আনতে পারে।"

[ঘোষণাটি](#) পড়ুন।

ভারপ্রাপ্ত রাজ্য অগ্নি প্রশাসক জেমস বি. কেবল বলেন, "অগ্নি নিরাপত্তা, তা ক্যাম্পাসে হোক বা তার বাইরে হোক, রাজ্য জুড়ে কলেজ ক্যাম্পাসে বসবাসকারী, পরিদর্শনকারী বা ক্যাম্পাসে বা টার কাছে ভাড়া নেওয়া ব্যক্তিদের জন্য প্রাথমিক উদ্বিগ্ন হওয়া উচিত। ঘর থেকে বেরিয়ে আসার দুটি উপায় চিহ্নিত করা এবং ধোঁয়া এবং কার্বন মনোক্সাইড ডিটেক্টরগুলি সঠিকভাবে ইনস্টল করা এবং বাসস্থান জুড়ে কাজ করা নিশ্চিত করার মতো ছোট পদক্ষেপ নেওয়া, অগ্নি সম্পর্কিত সম্ভাব্য আঘাত বা মৃত্যু রোধের ক্ষেত্রে অত্যনয় গুরুত্বপূর্ণ হতে পারে।"

মার্কিন ফায়ার অ্যাডমিনিস্ট্রেশন (U.S. Fire Administration) অনুযায়ী, দেশব্যাপী, প্রায় 94 শতাংশ মারাত্মক কলেজ শিক্ষার্থী সম্পর্কিত আগুন ক্যাম্পাসের বাইরে ঘটেছিল। যদিও অনেক কলেজ এবং বিশ্ববিদ্যালয়ে বিভিন্ন স্তরের অ্যালার্ম, ফায়ার স্প্রিংকলার এবং ক্যাম্পাসের আবাসিকদের জন্য প্রশিক্ষণ প্রদান করার ব্যবস্থা থাকে, ক্যাম্পাসের বাইরে থাকা শিক্ষার্থীদের তাদের নিরাপত্তার জন্য ব্যক্তিগত দায়বদ্ধতার উপর অনেকটা ছেড়ে দেওয়া হয়। 58 শতাংশ মারাত্মক ক্যাম্পাসে অগ্নিকাণ্ডের ঘটনাগুলিতে কর্মরত ধোঁয়ার অ্যালার্মগুলি অনুপস্থিত ছিল বা সেগুলিতে হস্তক্ষেপ করা হয়েছিল। ক্যাম্পাসের প্রায় 73 শতাংশ অগ্নিকাণ্ড ঘটে মধ্যরাত থেকে সকাল 6 টার মধ্যে; সপ্তাহান্তে 70 শতাংশ (শুক্রবার, শনিবার এবং রবিবার)।

এই ঘটনাগুলি রোধ করতে, রাজ্য ক্যাম্পাস-সম্পর্কিত আবাসনের জন্য অগ্নি নিরাপত্তা ব্যবস্থা মূল্যায়নের জন্য কিছু গুরুত্বপূর্ণ জিনিস প্রদান করছে।

প্রথমেই আগুন প্রতিরোধ করুন:

- কেবল অনুমোদিত এলাকায় রান্না করুন এবং কখনোই রান্না বিনা তদারকিতে ছেড়ে যাবেন না, এমন কি অল্প সময়ের জন্যও। ছাত্র সম্পর্কিত আগুন লাগার একটি প্রধান কারণ হল রান্না।
- অগ্নিকাণ্ড ক্যাম্পাসে আগুন লাগার দুই নম্বর কারণ হল ইচ্ছাকৃত অগ্নিসংযোগ। এটি একটি ঠাট্টা বা রোমাঞ্চকর বিষয় নয়, এটি একটি অপরাধ।
- দহনযোগ্য জিনিসগুলিকে তাপের উৎস থেকে দূরে রাখুন এবং কখনই বৈদ্যুতিক আউটলেট, এক্সটেনশন কর্ড বা পাওয়ার স্ট্রিপ ওভারলোড করবেন না। বহু আগুন বহনযোগ্য আলো এবং তাপের উৎসের কারণে ঘটে, যেমন স্পেস হিটার এবং হ্যালোজেন ল্যাম্প।
- ধূমপান, মোমবাতি, এবং অন্যান্য খোলা শিখা সহ জিনিস কখনো ছাত্র আবাসে ব্যবহার করা উচিত নয়।
- পুরোপুরি স্প্রিংকল করা আবাসন সন্ধান করুন। ফায়ার স্প্রিংকলার আগুন নিয়ন্ত্রণ করে এবং পালানোর জন্য জীবনদায়ী সময় প্রদান করে।
- ভবনের খালি করার পরিকল্পনা, এবং টার সাথে বিকল্প রুটগুলি জানুন এবং অনুশীলন করুন। যদি ক্যাম্পাসের বাইরে থাকেন, তাহলে একটি আগুন থেকে পালানোর পরিকল্পনা তৈরি করুন এবং অনুশীলন করুন। বেরোনোর দুটি উপায় জেনে নিন।
- একটি অ্যাপার্টমেন্ট বা বাড়িতে ধোঁয়ার অ্যালার্মগুলি মাসিক ভিত্তিতে পরীক্ষা করুন। নিশ্চিত করুন যে সকল ঘুমের জায়গাগুলিতে, সমস্ত ঘুমের জায়গার বাইরে এবং অ্যাপার্টমেন্ট বা বাড়ির প্রতিটি তলায় ধোঁয়ার অ্যালার্ম ইনস্টল করা আছে। ক্যাম্পাসে হোক বা তার বাইরে হোক, কখনো ধোঁয়ার অ্যালার্ম অপসারণ বা নিষ্ক্রিয় করবেন না।
- সাধারণ এলাকা এবং হলগুলো জিনিসপত্র এবং আবর্জনা মুক্ত রাখুন। প্রস্থানের পথগুলি কখনই আটকাবেন না।

নিউ ইয়র্ক স্টেটের ক্যাম্পাস-সম্পর্কিত অগ্নি নিরাপত্তা সম্পর্কে আরো তথ্যের জন্য, অগ্নি প্রতিরোধ ও নিয়ন্ত্রণ কার্যালয়ের (Office of Fire Prevention and Control) [ওয়েবসাইটে](#) যান।

স্টেট অগ্নি প্রতিরোধ ও নিয়ন্ত্রণ অফিস সম্পর্কে

[অগ্নি প্রতিরোধ ও নিয়ন্ত্রণ অফিস](#) অগ্নিনির্বাপক কর্মী, জরুরী প্রতিক্রিয়াকারী, রাজ্য ও স্থানীয় সরকারী সংস্থা, সরকারি এবং বেসরকারি কলেজ, এবং নিউ ইয়র্কের নাগরিকদের জন্য বিস্তৃত পরিসরের পরিষেবা প্রদান করে। অফিসটি বৃহত্তর [নিউ ইয়র্ক স্টেট স্বদেশ নিরাপত্তা এবং জরুরি পরিষেবা বিভাগ](#) এর অংশ যা সন্ত্রাসবাদ এবং অন্যান্য মানবসৃষ্ট এবং প্রাকৃতিক বিপর্যয়, ঝুঁকি, অগ্নিকান্ড ও অন্যান্য জরুরী অবস্থা প্রতিরোধ, এগুলোর বিরুদ্ধে সুরক্ষা, প্রস্তুত হওয়া, এগুলোর প্রতি সাড়া প্রদান করা, এগুলো থেকে পুনরুদ্ধার পাওয়ার প্রচেষ্টার জন্য নেতৃত্ব, সমন্বয়সাধন এবং সহায়তা প্রদান করে। আরও তথ্যের জন্য [DHSES Facebook পেজ](#) এ যান, [@NYSDHSES-কে Twitter-এ](#) বা [Instagram-এ](#) অনুসরণ করুন, বা [dhSES.ny.gov](#) এ যান।

###

আরো সংবাদ পাওয়া যাবে এখানে [www.governor.ny.gov -এ](#)
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](#) | 518.474.8418

[আনসাবন্ধাইব করুন](#)